


活人慈航



幼科審治

幼科審治

知不足齋叢書

家藏神效幼科醫目録

望色審苗數

面色

唇爪

鼻舌

目神

形體

聲音

問症

小兒殺時

決死生

五臟補瀉法

三陰三陽

三焦

藏衣法

初生胎疾

初生不啼

眼不開

目胞赤爛

不乳

吐不止

不小便

不大便

大小便不通

狂門外合

禁口

齊溼臍瘡

齊風

胎癩

胎赤

初生無皮

吐乳

咽喉

內吊

龜胸

三軟

二足

胎毒

撮口

臍突

胎驚

胎黃

赤遊丹

夜啼

口舌病

天吊


盤腸氣痛

龜疔

五硬

解顛

胎毒



癩症

天鈞

疔 附勞瘵

震亂

泄瀉

疝氣偏墜

腹脹

傷風中風傷寒中寒

夾食

溫病 熱病冬溫

暑病

燥邪

驚

瘧病瘧癩

驚癩發搐

吐瀉

嘔吐

腹痛

積塊

水腫

夾痰

夾驚

風溫溫瘧溫毒溫疫時疫

溼邪

身熱



瘧疾

氣喘

熱目冷目

黃痘

大小便

風痺


咳嗽

癩疹癰痧

失血

自汗盜汗

痿病



福建汀州府長汀縣監生鄭諱玉成字紹宗號直方纂輯

邑庠生男汝恭謹錄

幼科審治

望色審苗竅

幼科四診惟以望為要夏禹鑄觀色審苗竅如響之應聲也
苗竅即目鼻口舌脣爪二便九竅是也幼科大方皆極驗
今將常要之訣例為一類臨症者務宜從容詳辨的真以
合某脉候某病症則表裏寒熱虛實以及生死可得識矣

面色

內經青如翠羽赤如雉冠黃如蟹腹白如豕膏黑如烏羽此
五色之見生也青如十茲黃如枳實黑如苔赤如紅血白

如枯骨此五色之死也

面色青者主風面色赤者主熱面色黃者主脾虛內傷脾胃
面色白者主虛寒面色黑者主痛主危候凡面色明亮者
言濁晦者危訣云面色忽然望之青進之如黑卒難當
小兒天庭青色主風紅色主熱黑色主死印堂青色主驚瀉
山根青色額根青色皆為肝有風也

唇爪

唇色紅紫者熱也唇色淡白者虛寒也唇色淡晦為脾
暑溼為瘧疾唇乾燥者為口渴有熱人中滿則唇反主死
爪甲紅赤者為熱爪甲青白者為虛寒爪甲青黑者為肝
不治

鼻

鼻孔乾燥者為熱鼻孔如烟煤者為熱危候鼻塞流涕

為得風寒鼻冷者死

舌色紅赤者熱也舌色淡白者虛寒也舌上有白胎如粉為邪在半表半裏舌上黃白胎者裏熱也舌胎黃而芒刺為邪熱入裏裏實症也舌胎黑而乾燥為裏實熱極也舌有紅點起如粟狀內有蛔虫也舌乾燥者為熱傷津液虛舌出口者死口張不合者死

目神

目勇視而睛轉者風也直視不轉睛者主死目睛了了為神張目睛不了了為神衰頭傾視深神將絕矣目眇乾結為熱目眇如涕如膿為溼熱白睛赤脉為熱白睛青色為肝風侮肺白睛淡青為積滯白睛黃如柏汁為溼熱黃疸目胞浮腫為脾傷目下腫為水腫睡則露睛為脾胃虛欲愈之病二目皆黃如金色目胞陷下者死

形體

肌肉瘦削為形怯苦瘦而不枯燥唇色紅潤者吉肌肉豐肉
堅實為形實若肥而無血色唇淡爪枯者危肥人氣虛多
痰瘦人陰虛多火形壯肉堅力強為形實形怯肉浮力弱
為形衰內經大骨枯槁大肉陷下胸中氣滿喘急不便其
氣動形者死

聲音

氣實則聲音雄亮氣虛則聲音短細鴨聲者聲在喉中而啞
氣將絕也妄語錯亂不語皆屬神亡失守也

小兒皺眉曲腰啼哭是腹痛啼而不哭無淚是腹痛哭而不
啼有淚將作驚嗔煎不安心煩熱

問症

能食者胃壯不能食者胃虛口渴者有熱小便赤者為熱

邪在裏小便清白者為寒為邪不在裏也

大便閉者為實為熱為邪入裏大便滑瀉者為裏虛便出臭穢粘滯為積滯便出完穀不化為虛為風不殺穀

無汗出者為邪在表有汗出者為風邪在衛為虛病汗出

澀澀週身者愈亡陽之汗汗大出如貫珠不流者死

內經五實死五虛死脈盛皮熱前後不通悶瞖此謂五實脈細皮寒氣少泄利前後飲食不入此謂五虛漿粥入胃泄注止則虛者活身汗得後利則實者活

肺絕爪枯毛折心絕面黑如漆柴脾絕舌萎人中滿而脣反腎絕齒長而垢髮無澤肝絕脣青舌卷卵縮是為見真臟至其尅日死

五陰氣俱絕則失志目眩目瞑遠一日卒死

陽氣俱絕則絕汗乃出大如貫珠轉出不流旦占夕死夕

占巨死

小兒紋脉

訣云初生小兒診虎口男從左手女右看次指三關風氣命脉紋形色隱隱安形見色變知有病紫屬內熱紅傷寒黃主脾病黑中惡青主驚風白是疳風關病輕氣關重命關若見命多難

關紋滯滯甚因由邪遏陰榮衛氣留食鬱中焦風熱熾不行推蕩更何求

腹痛故入掌中心彎入風寒次第侵紋向外彎瘦食熱入形

脾肺兩傷因

凡診小兒以下一指定三部六至為平七八至為數四至為遲 訣云浮而有力熱兼風無力陰虛汗可濛有力而沈 皮食害沈沈無力氣疑胸滯而有力多為痛無力虛寒

血窮數脈熱多終有力瘡瘍無力熱虛攻

決死生

神出於目目活者為有神眼無神光者死直視不轉睛眼光
流射出身者死病人有喜容而色上者生悲啼者死
氣息長者生短者死語音響滑者生瀇者死舌濡脣者生舌
短縮者死言語不明也

色白如枯骨者死色黑如溼灰者死色紅黃如雲者生額上
眼下為正面正面色黑橫於耳前者死耳前為命門在眉
上下目胞為太陽位黑掩太陽者死青遮口角者死黑色
入心耳如烟霧者死青黑氣斜入口者死鼻樑為年上壽
上位色黃者生色黑入鼻者死人中潤澤者生乾枯者死
神光位在目尾後奸門外黑暗者死黃明者生

魚也三者兼觀以決死生辨色者如雪上辨霜霜上辨雪

何處是雪某處 霜切在專心詳察 俱出相法

次文

又云人雖久病不怕瘦削但十指紅潤準頭明朗雖危不死
若天庭黑山根青竹衣生二耳髮直如麻似鐵條直視
不轉睛眼光流射出身者主死在三朝十日也

病人所忌七件俱主死山根枯耳輪焦命門暗準頭黑神泛
睛浮黑繞太陽青遮口角不久死亡病人欲愈準頭一明
命門印堂一亮不日身安目神靜神安不日病痊病人
面色明亮忽然眼垂下視主死病人氣色素常暗一日光
明死期至病人平素面色常明四壁如烟起死期矣

五臟補瀉法

錢仲陽云肝主風 實則目直大叫呵欠項急頓悶 虛則
咬牙多欠氣熱則外生氣溫則內生 肝病哭叫目直視
呵欠頓悶項急 外生感風呵欠項悶口中氣熱當發也

大奇膏之若能食飲水不止當大黃丸微下之不可

下 肝熱手尋衣領及亂捻物瀉青丸主之壯熱飲水喘

悶瀉白散主之 肝有風目連劄不搐得心熱則搐治肝

瀉青丸治心導赤散 肝有熱目直視不搐得心熱則

治肝瀉青丸治心導赤散 肝有風甚身反折強直；搐

心不受熱也當補腎治肝補腎地黃丸治肝瀉青丸

凡病或新或久皆引肝風風動而上於頭目目屬肝風入

於目上下左右如風吹不定兒不能任故目連劄也若熱

入於目壅其筋脈二皆皆緊不能轉視故目直也若得心

熱則搐以其子母俱有實熱風火相搏故也 肝病秋見

肝強勝肺肺怯不能勝肝當補脾肺治肝益脾考母令子

實故也補脾益心治肝瀉青丸 肝病春見肺勝肝當

補腎肝治肺臟肝怯者受病也補肝腎地黃丸治肝瀉白

敬 肝病見秋不旺肝勝肺也宜補肺瀉肝輕者肝病退
重者昏白而死 肝主風其症目直大叫項急頓悶手尋
衣領亂捨物目連劄甚則身反折強直肝病不搐得心熱
則搐

錢仲陽云心主熱 實則叫哭發熱飲水而搐 虛則因臥
悸動不安 心病多叫哭驚悸手足動搖發熱飲水 視
其睡口中氣溫或合面臥及上竄咬牙皆心熱也導赤散
主之 心氣熱則心胸亦熱欲言不能而有欲冷之意故
合面臥 心氣實則氣上下行瀉若合面臥則氣不得通
故喜仰臥使氣得上下動也瀉心散主之 心病見冬少
旺心勝腎也當補腎治心輕者心病退重者下竄不語腎
虛也補腎地黃丸治心瀉心湯 心主驚主熱其症叫
哭發熱飲水抽搐悸動不安手足動搖上竄咬牙驚跳欲

言不能

錢仲陽云肺主喘 實則悶亂喘促有飲水者有不飲水者

虛則哽氣長出氣 肺為悶亂哽氣長出氣氣短喘急

肺熱手插眉目鼻面甘桔湯主之 肺盛又有風冷胸滿

短氣氣急喘嗽上氣當先散肺後發散風冷散肺瀉白散

發散大青膏主之肺只傷寒則不胸滿 肺虛熱昏赤紅

色治之散肺少服瀉白散 肺臟性昏白色當補肺阿膠

共主之若悶亂氣短喘促哽氣者難治肺虛損故也 脾

肺病久則虛而昏白脾者肺之母也子母皆虛不能相榮

故名曰怯 肺主昏白而澤者吉白如枯骨者死 肺病

見春金旺肺勝肝也當瀉肺輕者肺病退重者目淚青必

發驚更有赤者當瀉 肺主喘土燥悶亂喘促哽氣長出

氣于鼻目面鼻胸滿咳嗽氣緊

五藏 目上之二

錢仲畏云脾主困 實則困睡身熱飲水 虛則吐瀉生風
脾病困睡泄瀉不思飲食脾胃虛寒則面皸白目無睛
光口鼻氣冷肌體瘦弱吐水腹痛不思乳食用益黃散下
利用調中丸 傷風手足冷者脾臟怯也先用益黃散補
脾後用大青膏發毒 脾病見四季皆微餘四臟治之順
者易治逆者難治 脾法當面赤目黃五臟相返隨症治
之 脾主困主溼困睡吐瀉不思飲食肌體瘦弱手足令
體重息倦腹痛

錢仲陽云腎主虛 無實也惟瘡疹腎實則歸黑陷 兒本
虛怯由胎氣不成則神不足目中白睛多其顛則解顛開
面色皸白此皆難養從長不過八八之數若恣色慾不及
四旬而亡或有五病而致有虛者非也 腎氣不足則下
竅蓋腎重性欲墜下而有病也腎者陰也腎虛則畏明宜

補腎地黃丸

腎病見夏水勝火腎勝心也當治腎軀

腎病退重者悸動當按腎主虛神不足目中白睛多頭

顛解頭顛開面色晄白下視畏明足脛寒註云心氣熱則

上竅宜導赤散腎氣虛則下竅宜地黃丸

凡診小兒當先審辨五臟症候時令然後以及其餘莫全善

云假如肝病見於春及早辰見乃肝自病於本位也不反

見於秋及日晡肺之位知肺虛極肝往勝之故當補脾瀉

肝也餘微此

三陰三陽

三陰三陽則一天地有六重天為太陽太陽之下為陽明陽

明之下為少陽地為太陰太陰之下為少陰少陰之下為

厥陰人如天地故心肺胃為三陽脾腎肝為三陰皮心軀

壳為太陽腸胃為陽明腸胃之外身軀之內膜育之所為

少陽脾為太陰腎為少陰肝為厥陰五臟為三陰也凡五臟六腑三焦經絡榮衛皆在三陰三陽之中故邪氣下犯不外三陰三陽也三陽主身熱太陰吐利脹痛少陰厥陰手足冷而煩躁

三焦

葉天士專論時氣溫熱風溫必從口鼻吸氣而入先傷上焦手太陰肺氣分次及中下二焦或逆傳手厥陰心包絡血分病在上焦肺衛其症必見咳嗽喘促胸滿嘔吐身熱有汗煩悶口渴鼻乾目瞑頭重肺脈浮洪是也逆傳心包絡榮分則見謔言妄語唇舌乾赤有汗芤血是也傳及中下焦則必痞滿脹痛二便不利是也治法當以微辛微涼氣淡味薄之藥以解上焦不用芩連大黃苦降直走腸胃藥葛羌防升散三陽皆與手

云肺經無涉如為白散清燥

石部湯水酒雙解散潤肺 之屬是也

藏衣法

崔氏云兒衣先用清水洗勿令沙土草污又清酒洗仍入銅錢一文在衣中盛入新礮內青絛果礮口密蓋置於宜處三日後依月吉地向陽高燥處入地三尺埋之礮上土厚一尺七寸須牢築令兒長壽智慧若不謹為猪狗虫鼠食則病顛狂惡瘡兵死近社廟深水汚地竈井路巷門戶樹林火化皆主疾病惡死先賢累言有驗

初生胎疾

金論曰芽兒出腹骨肉未斂肌肉未成猶尚是血血凝則堅而成肌肉也夫初生一臘之內天地入風之邪豈能速害良由在胎之時母失愛護或勞動氣血相干或坐臥飢飽相役飲酒食肉拾熱相制恐怖驚撲血脉相亂蘊毒於

內指傷胎氣故降生之後有胎熱胎寒胎肥胎怯胎驚胎
黃諸症生焉外因洗浴斷臍之不得法或綳絕驚恐乳哺
寒溫之乖其宜致令臍風嘔口鎖肚不乳等症存息至此
小難救療坐視其死良可哀憫故黃帝云吾不能察其幼
小謂別是一家調理耳用藥必明消息形候審定生死察
病患之淺深知藥性之寒溫而後庶乎少失也

初生不啼

三因云小兒初生氣絕不能啼者必是難產或冒寒所致急
用綿絮包裹懷中且勿斷臍用大紙撚蘸油點火於臍帶
往來薰之令火氣由臍入腹氣得暖通啼聲自出

兒哭遲者用葱白細鞭背上一即啼此難產閉氣取葱通氣有
生下也不啼哭奄奄如死者急看喉中懸壺前脰上有一
泡用指搥破以綿拭去惡血勿令嚥下即啼

眼不開

小兒初生眼閉者由產母食熱物毒物所致宜用黃連湯洗眼上日十餘次如三日不開用生料四物湯加花粉甘草抹入兒口內服

目胞赤爛

小兒初生目胞赤爛痛癢難睜皆屬胎熱上攻外用黃連汁抹內服四物加花粉甘草

不乳

初出胞胎不吮乳其故有二一腹中臍糞未下能令腹滿氣短嘔吐不乳宜一捻金下去臍糞一母過食寒涼兒必腹痛多啼面色青白口中有涎沫者宜丁香溫胃丸溫之吐不止

兒生下吐不止者有因便閉腹中穢惡不淨令兒腹滿嘔吐

不止宜一捻金有寒氣入裏曲腰而啼吐沫不止宜丁香
丸又有胎前受熱面赤唇紅嘔吐酸粘者宜二陳加山更連
竹茹生姜

不小便

小兒初生不尿者乃胎熱流入下焦宜服導赤散神芎丸丹
溪治因父服熱藥遺毒在胎用紫雪丹下如黍如粟碗許
愈

不大便

小兒初生之日或次日即大便者俗云下臍屎此言通活
也若二三日不大便者名鎖肚乃胎中受熱氣滯不通其
兒心面赤腹脹多啼宜服一捻金通之又令婦人以溫水
漱口吐兒前後心手足心並臍下共七處以皮見紅赤色
為度須臾自通

大小便不通

小兒初生大小便不通者最為危候乃胎中熱毒太盛而致急用前啞五心臍下法內服紫霜丸以開其結神芎丸以行其熱若延至七日謂之一臘鎖肚腹硬不乳作呻吟則難治矣

肛門外合

小兒初生肛門外合有二一者熱毒太盛壅結肛門一者脂膜遮滿無隙可通如壅結者急服黑白散外用蘇合香丸作棗核大納入孔中大便得下則可望生如脂膜遮滿者以金玉簪透之刺破脂膜再以蘇合香丸如前導之庶可挽回於萬一

禁口

聖惠云初生小兒須防三病一撮口二禁風三臍風皆急病

智上之上

十

幼科

禁風尤甚過一臘方免其症牙關緊急喉乳不穩啼聲漸
小口吐涎沫狀亦極重善救療者十不得三四

千金云小兒初生其氣高或若有微患即須下之若不時下
則成夭疾難為療矣紫雲丸量與之

小兒禁風即口內生瘡腫而牙關禁不能吮乳也其瘡如粟
米如點子聚生上腭或聚生舌上或口內紅腫脹起在牙
床謂重靨在頰裏謂重頰在上腭名重腭在舌下名重舌
在上腭如癰者名懸癰兒生一百二十日皆有病禁風又
曰禁口由胎熱毒流結在胃外襲風寒故牙關緊急甚者
變發驚搐危

治法口內有瘡如粟者用指甲輕輕刮破口 脹者用磁

針刺去惡血并洗以六味甘桔湯敷以蜜論水研散

牙關緊急用之尚是末調生 汁以指將藥擦口

前類

即上下牙床骨交處也內赤腎紅以龍胆湯主之風盛者搗以急風丹散之痰涎上壅佐以辰砂膏頰脹便閉宜紫霜丸下之

若但口瘡重唇重齦等腫俱屬胃熱而心風襲牙關不緊者宜涼膈散加生地丹皮及三黃丸刺刮洗敷如前假如身熱面赤即防變驚搗先宜導赤散送下涼驚丸以去心熱次以紫霜丸微下之

子金治口噤赤者心禁白者肺禁用雞矢白如棗大綿包水煎二滾再服

撮口

撮口者口撮如囊口也吮乳不得舌強唇青面色黃赤喘急

啼聲不出氣為危候若更口吐白沫四肢冷者不治由胎

氣大熱風邪入臍流於心脾所致治法用生南星末和生

姜汁以指擦牙車穴。蜜調辰砂姜蚕散以敷其口。昏若氣高痰盛者。控涎散吐其痰。及服辰砂膏。手足抽搦者。忌風丹以定其搐。口燥唇紅者。龍胆湯以退其熱。大便不通者。紫霜丸以通其大便。

千金云。小兒面目鼻口左右悉黃而啼。閉目聚口撮面。口中乾燥。四肢不能伸縮者。皆是血脈不斂也。多不育。若有如此者。皆宜龍胆湯也。

臍溼臍瘡

小兒生下洗浴宜在避風之處。洗極淨。後其臍亦宜軟綿拭。至極乾燥。將艾茸揀去梗。烘溫。其臍上以大帶緊束。亦勿使尿溼其臍。日後再洗。再換乾燥艾茸。蓋覆待斷臍。以後用百草霜封束。以臍完全。則臍風掃。忌風。臍溼。亦自無患矣。若洗浴未拭乾燥。或因尿漬溼。則臍腫。

乾名臍溼溼營於熱而成臍瘡日久不治亦變發癩疥為

搖

臍溼用百草霜煨石脂煨龍骨牡蠣粉乳灰血餘灰枯礬
等類敷之凡瘡用黃連黃丹煨龍骨為末時時用亦有臍
中出血不止者用血餘百草霜敷內服龍胆湯

臍突

小兒熱在腹中無所發洩故頻頻伸引睡臥不甯努張其氣
冲入臍間所以臍忽腫赤虛大先浮名臍突此乃胎熱所
致非因斷臍之故也內服龍胆湯得下即止勿服外用蘿
苳子炒研葱白田螺搗敷貼之日久或加商陸牡蠣朴消
入內同貼祖法用四苓散加白芍治臍突

臍風

臍者小兒之根蒂也名曰神闕穴近三陰喜溫惡寒喜乾惡

溼如斷臍悉道前法疳風何自起若致水溼風冷之氣入於臍中則成臍風矣其症肚腹腫脹日夜多啼不能吮乳四肢強直甚則發為風疔若臍邊青腫撮口不開者是為內搗不治爪甲色黑者死候也凡臍風禁風撮口三症在百日內患者多不治初生七日內患者謂之一臘臍風百無一效坐視其死良可憫也

小兒有日夜啼叫吮乳不緊便是臍風之將作也速用驅風散主之若肚腹脹硬即用貼肚法若風寒深入已成臍風審症而治肚腹脹硬大便不通者風寒裏實也宜紫霜丸通之痰涎壅盛者風兼痰也宜控涎散吐其痰身熱面赤口中乾燥者風兼熱也龍胆湯退其熱面青嘔吐曲腰多啼肢冷便泄者風兼寒也丁香丸溫其中撮口昏毒抽搐不止者風盛成驚搐也宜急風丹穴其搐外并用貼肚法

貼之

祖法先用小牛黃丸後用太一丹

貼肚法用蘿苳子少研葱白搗爛豆豉一合和勻烘溫敷貼
臍四圍腹脹硬處腹軟則愈

胎驚

小兒壯熱眼翻口禁痰潮抽搐反張面青頰赤者名胎驚現
其眉間氣色赤而鮮碧者可治青黑而暗者不治小兒百
日內發搐真者不過三二次必死假者頻發不為重假者
其口中氣出熱治之可發散宜急風丹大青膏合服有痰
者辰砂膏有熱者至寶丹便閉者牛黃丸其乳母服防風
通聖散三貼其驚自可消散

胎癇

兒生百日内發時心不甯氣逆痰作上視反張啼聲不出一
時病起如敗者名胎癇凡胎驚胎癇皆由乳母失調致傷

胎氣治法先用參蘇飲發散消痰順氣次服長砂膏牛黃丸以利其痰抱龍丸鎮驚丸常服調理則不再發 祖法胎寒面青脊白白木 白芍 白芍 肉桂 木香 天麻 厚朴 太乙丹 合丁香丸 胎熱面赤唇紅煩躁涼驚丸三黃丸

胎黃

小兒生下面目黃小便黃爪甲黃通身黃壯熱啼哭不思乳者名胎黃其色如金乃因母腹中溼熱太盛所致也輕者生地黃湯重者犀角散

胎赤

小兒生下頭面肢體赤若丹塗名曰胎赤乃孕婦食辛熱太盛所以熱毒內蘊胎中宜清熱解毒湯熨或便閉化毒丹赤遊丹

赤遊丹症多由胎中熱毒而成或生後過於受熱每熱蒸發

於外所致其症皮膚赤熱而腫色若丹塗
遍身多發頭面四肢之間若內歸心腹則死
法宜先用精猪肉切片貼患處肉片乾再易
更甚者消青代內服犀角解飲重者薑葉散
若毒氣入腹煩躁啼哭腹脹宜化毒丹若數月
之兒可先用磁針刺去惡血後用肉片貼之如前
初生無皮

小兒生下無皮其症有二或因父母素有楊梅結毒傳染胞胎故生下或上半身赤爛或下半身赤爛甚至色帶紫黑又有因月分未足生育太早遍體浸漬紅嫩而光二症俱屬惡候遺毒者內服換肌消毒飲外用清涼膏或鷲黃散敷之胎元不足者內服當歸飲外用稻米粉撲之皮膚自堅

夜啼

胎毒

胎毒

胎毒

胎毒

胎毒

小兒初生夜啼其因有二一曰心熱一曰脾寒皆受自胎中
觀其形色便知如面色青白手腹俱冷不欲吮乳曲腰不
伸者脾寒也宜丁香丸之面赤唇紅身腹俱熱小便赤
煩躁多啼者用蚕退為末灯心薄荷湯調抹服

祖法夜啼寒用太乙丹熱用涼驚丸觸驚用涼驚丸抱龍丸
合服

吐乳

小兒吐乳症非一端有宿乳停痰胃寒胃熱之分如面色赤
唇紅爪甲紅手足指熱此為熱吐宜黃連二陳湯主之面
色青白唇色不紅手足指冷糞青味此為寒吐宜丁香
丸主之口熱唇乾夜臥不甯手足心熱此為傷乳宜平胃
散加麥芽砂仁主之嘔吐痰涎胃口膨滿此為停痰宜二
陳湯加枳殼主之若喫乳過多滿而自溢

節乳自愈

口舌病

脾開竅於口舌為心苗胃脉行於牙床及二頰脾脉絡者凡

口舌之病皆屬心脾胃之積熱也

懸癰者口內上腭腫起一塊如蘆笋盛水之狀如癰者謂之

懸癰漫腫者謂之重腭重舌者舌下腫起一塊如肉重頰

者頰裏腫起紅硬重齦者牙床腫起如水泡以上五症俱

用磁針刺破出惡血未消次日再刺以消為度抹冰硼散

日五七次內服涼膈散加生地丹皮及清胃散主之凡上

下牙床赤白者明實熱也涼膈散頰頰燕服外敷黃柏末

驚口者白屑生滿口舌如鷓之口也治之稍遲則口舌糜爛

不能吮乳而危內宜服六味甘桔湯加石膏梔子芩連生

地外研二錢白礬一錢為末和蜜日抹五七次

吐舌者伸長而收緩也弄舌者舌在口中搖動也內宜服導赤散加黃連及瀉黃散主之外抹冰硼散

木舌者舌腫為木硬不能轉動故名木舌外用硼砂三錢元明粉三錢青鹽煨一錢冰片少許時時抹舌內宜服導赤散加黃連大便實者涼膈散加生地主之治之稍遲亦至難救

弄舌祖法昏紅煩躁三黃丸四肢冷身熱面青為脾胃不和宜白朮厚朴白芍木香甘草鉤藤木口丹

口瘡者滿口生赤瘡也口糜者滿口生瘡潰爛也口瘡宜六味甘桔湯加石膏梔子生地或涼膈散口糜宜導赤散加黃連反五苓散以導膀胱之溼熱外俱用冰硼散日抹五七次凡小兒口瘡服涼藥不效者乃氣不足虛火上炎無刺也以理中湯反治之外用肉桂末

上二後

生瘡者亦虛火也考其形色自有虛寒之

三入湯

牙疳初作必口氣極臭齧肉赤腫而至疔爛疼痛出血穿腮
蝕唇落牙病勢危急故名走馬牙疳也若牙落肉黑者不
治脉沈細者不治若脉浮洪有力胃強能食可勝峻藥者
始有生機宜服消疳蕪荑湯大黃蕪荑黃連黃芩胡黃連
雄黃蘆薈外敷人中白五錢煨青礬三錢五倍炒三錢冰
片一分

咬牙者風熱也由陽明經有蘊熱熱則生風故令相搏而作
咬牙必於夢中蓋動則風散於表寐則風歸於裏也宜瀉
黃散主之

小兒口流涎沫浸流腮者名滯頤蓋涎者脾之液口者脾
之竅脾有冷有熱皆能致此冷者唇白不紅宜丁香丸熱
者唇紅紫宜瀉黃散

小兒欲乳而不能吮者心脾有熱也宜瀉黃散主之

咽喉

咽喉為一身之總關若以兩處積熱毒復感時氣風邪聚生痰涎發為咽喉紅腫名雖數種皆屬風熱生痰也宜六味甘桔湯加黃芩梔子豆根牛子主之身熱脈浮無汗出再加麻黃乾葛羌活便閉小便赤加大黃石羔外用火硝五錢雄精三分冰片一分抹之破爛生瘡者不可發汗宜抹冰硼散內服六味甘桔加大黃梔子豆根牛子咽喉症切不可純用寒涼恐邪毒下陷內攻也

天吊

小兒壯熱不休時發驚悸抽搐反張眼目上翻爪甲青狀如神祟症似驚風但頭目仰視較驚風稍異也此乃邪熱痰涎壅塞胸間不得宣通而致治宜九龍堂

釣藤飲加大黃瓜甲青黑葉服蘇合香丸

內吊

小兒內吊腹痛曲腰而啼叫口吐涎沫四肢抽搐似乎驚癇
目有紅絲血點此由肝臟素病外風直入肝經若抽搐甚
者勾藤飲急風丹急啼腹痛者木香丸若肢冷田青昏黑
者不治用丁沈當歸川芎木香肉桂為末每服一錢救之
大凡一切腹痛俱用葱白豆豉生姜食鹽炒熱貼臍熨之
神效

盤腸氣痛

盤腸氣痛便是腹痛曲腰啼叫下乳感冒由寒邪所搏於內
宜服香蘇散加白菝石仁木香外用豆豉二錢生姜二錢
食鹽一兩葱白五莖同抄置臍中熨之止痛甚速

通胸

龜胸一症多因小兒乳食不節痰熱熾盛後為風邪所傷風熱相搏以致肺經脹滿攻於胸膈高如覆杯現症咳嗽喘急身體羸瘦錢氏云治此症脹滿攻於胸膈則成龜胸又乳母多食五辛亦成治法先服寬氣飲開其氣道再以百合丹除其壅滯

寬氣飲 杏仁 桑皮 陳皮 蘇子 枳殼 枇杷葉

麥冬 甘草 亭歷

百合丹 百合 天冬 杏仁 木通 桑皮 葶藶子

石膏各 大黃各 為末蜜丸

龜背

龜背者被客風吹入脊膂遂至偃僂由折背高如龜多成終身痼疾宜枳殼防風丸

枳殼防風丸 枳殼 防風 羌活 獨活各兩 吳

前胡 當歸 桂枝 大黃 各五分 米糊丸

龜背在百日內者不治

五軟 即痿病多虛熱亦有痰熱者

五軟者頭軟脚軟肌肉軟口軟手軟是也頭軟者無故不舉
頭頸脈軟而無力也手軟者手垂無力亦懶擡肩也足軟
者五歲不能行脚軟細小也肌肉軟者則肉少皮寬自離
飲食不長肌肉也口軟者唇薄無力虛舌出口也頭軟者
腎疝之病雖愈他年必發宜二聖丸手軟者乃慢脾風之
候也尚堪醫治宜五味異功散肌肉軟者可服錢氏桔連
丸忌作泄足軟者宜多服八珍湯加黃芪及六味丸長大
自然肌肉充滿口軟之但當治膈卻無妨宜桔連丸加桔
梗

天柱倒與五軟相類小兒體肥容壯不為瘦羸忽然項軟傾

智上之 六 存 幼科

倒此名下竄肝經風熱也。鳳髓歌云：天柱纔倒道難醫，莫
來此病非心脾。若患先須因吐瀉，不曾調氣致疰羸。卻被
傷寒無浮脈，定應妙藥。察他遲無此卒然生此患，又兼不
辨四肢肥身軟，難堪頭似石。面紅唇赤臉如緋，此患只應
傷胆熱。後來伏熱又相隨，肝受熱風天柱倒。但將涼藥與
維持，貼須性熱筋方緩。立見溫和請莫疑，吐瀉項軟唯調
氣傷寒柱倒不須醫。

貼頭藥 川烏 白芷 地龍 五靈脂 赤小豆

生薑汁同酒調貼項上

內服 菊花 桑黃芩 人參 大黃 甘草

為末調竹葉湯

五硬

五硬者仰頭取氣難以動搖，氣壅作痛連於胸，足心冷

而硬此陽氣不榮於四肢最為難治宜小續命湯或疎其太陽為藥順氣散以調其氣若吐筋言急食少氣弱者宜六君子湯加炮姜肉桂柴胡補脾平肝仍參瘧病而治

五遲

五遲者坐遲行遲髮遲齒遲言遲是也皆屬先天有虧腎氣不足故筋骨軟弱行步艱難齒不速長坐不能穩主以六味丸加鹿茸兼以八珍湯髮遲者六味四物以補陰補血言遲者有因驚邪乘入心經故至四五歲不能言語宜菖蒲丸

菖蒲丸

人參

菖蒲

麥冬

遠志

川芎

當歸

乳香

硃砂

各等分

煎末蜜丸

解顛

解顛者乃頭大骨縫不合也皆腎虛腦髓不足現症必面色

晄白形體羸瘦目多白睛悲愁少笑治宜地黃丸及八珍湯加黃芪外用貼頤散

貼頤散 柏子仁 防風 南星 胆汁調絹上貼一日一

換勿令乾時時以湯潤動

頤填

頤填者頤門腫起也脾主肌肉乳食不常或寒或熱乘於脾家致使其氣上冲為之填脹頤突而高如物堆起自汗髮黃若寒氣上冲則堅硬熱氣上冲則柔軟又小兒脇下有積咳而且啼而氣上逆者或啼甚久其氣未定因而乳之者肝氣甚風熱上冲者皆能令頤填肝氣盛者瀉青丸面赤唇紅胸高喘咳裏熱者大連翥飲日風熱者柴葛湯堅硬不熱為寒腫宜理中湯加紫蘇陳皮香附

頤陷

小兒臟腑有渴飲水漿致成瀉痢久則脾氣虛寒不能充
髓故顛陷成坑名曰顛陷現症面青黃四肢逆冷六脉
沈緩神氣慘淡先以補中益氣湯先提其氣正以固中湯
溫補其脾外用附子川烏五錢雄黃二錢為末生葱杵爛
貼陷處

一捻金 治腹滿氣短嘔吐不乳腹滿嘔吐不止大便不通
肛門外合肚腹脹硬大便不通腹腫臍風

生大黃 兩 黑丑 五分 白丑 五分 枳榔 五分 人參 一分

為末蜜水調服三五分至一錢

紫霜丸 治大便不通肚腹脹硬一便不通而噤口二便閉
結而撮口

代赭石 一兩火煨醋浸三五次 赤石脂 一兩 杏仁 半粒去皮尖

巴豆 三粒去油膜 為末糊丸麻子大日服三丸白湯下

黑白散

黑丑五斤 白丑五斤 生大黃兩 栝榔五斤 陳皮五斤 甘草三斤

元明粉兩 為末每服五分或七八分

六味甘桔湯 治一切咽喉口舌聖藥

防風 荆芥 桔梗 甘草 薄荷 姜臣減半

水煎服并可加減而用

龍胆湯 噤口神效身熱多驚而撮口身體壯熱面赤口乾

而臍腫成臍風

柴胡五斤 黃芩五斤 生甘草五斤 鈎藤五斤 赤芍五斤

大黃五斤 胆草五斤 桔梗五斤 蜣螂二條 赤茯苓五斤

大棗引 為散每服二錢水煎服

急風丹 撮口臍風抽搐并治

蛇退三斤 姜臣五斤 全蝎五斤 朱砂五斤 射香一斤 牛黃一斤

蚕退不 為末鈎藤薄荷湯調服一字

辰砂膏 治驚風痰或潮熱驚熱狂躁惡叫

辰砂辰砂星也 礪砂礪砂星也 馬牙牙硝 元明粉元明粉 全蝎不

射香一字 真珠不 為末油紙包自成膏每服一字

用生石決明以水煑研細末代真珠佳

辰砂毒蠶散 蜜調此以敷撮口唇

硃砂五 姜虫不 蛇退射香 射香字 為細末用蜜調敷唇口

驅風散 一臘二七日夜啼叫乳不緊便是臍風之將作

也速服此

蘓葉 防風 陳皮 厚朴 枳壳 木香 姜虫

鈎藤 甘草 生姜 加山並桔更

生地黄湯 治胎黃

生地黄 赤芍 川芎 當歸 花粉 赤茯苓

澤瀉 朱苓 生甘 茵陳 每服三錢燈心引

犀角散 治胎黃

犀角 茵陳 花粉 升麻 生甘 胆草 生地

滑石 每服二三錢

清熱解毒湯 治胎赤

生地 黃連 銀花 薄荷 連翹 赤芍 木通

甘草 燈心引

化毒丹

犀角 黃連 桔梗 元參 生甘 薄荷葉

大黃各青代系 為末蜜丸重六分每服一丸

犀角解毒飲

防風 荆芥 牛子 連翹 赤芍 甘草 生地

黃連 銀花 犀角 燈心

藍葉散

施子系石膏系柴胡系黃芩系大黃系藍葉系

犀角系升麻系甘草系每服一錢煎服

換肌消毒散

當歸 川芎 赤芍 生地 角刺 土苓 銀花

連翹 生甘 白芷 苦參 蘚皮 防風

每服三錢煎服

當歸飲

何首烏 白蘚皮 蒺藜 甘草 當歸 生地

白芍 人參 黃芪 川芎 每服二錢煎服

清涼膏 治初生無皮及再治湯泡火燒神妙屢效

石灰未經水成塊者 用水泡之沒指半許露一宿取浮水如雲

片帶 水一碗清油一碗攪成膏敷遍身

驚黃散 生黃柏 煨石膏 等分為末撲之

瀉黃散 藿香 梔子 石膏 甘草

防風 每服一錢至二錢煎服

九龍控涎丹 天吊抽搐眼翻仰視

蜈蚣 大者及一條 乳香 不竺黃 不細茶 雄黃 炙甘草

荆芥 不枯白 薤白 菜豆 每服五分薄荷湯下

鈎藤飲

全蝎 天麻 白藤 生甘 羚羊角 大黃

每服二錢煎服 若內鈎腹痛抽搐目有紅絲血點者可

加藿香去大黃

木香丸 治內吊

沒藥 木香 小茴 鈎藤 全蝎 乳香 各等分

大蒜搗為丸桐子大鈎藤湯下二丸

桔連丸 治虛羸五軟疴瘦久服消食和氣長

陳皮 兩 黃連 兩 猪胆汁 七枚 為末糊和丸菜豆大每服十

丸米湯下

大連喬飲 頤填有火及赤遊丹毒

柴胡 荆芥 連翹 木通 滑石 梔子

瞿麥 當歸 赤芍 黃芩 甘草 防風

每服二錢煎服

固中湯 氣虛頤陷瀉痢慢脾

人參 白朮 茯苓 炙甘 黃芪 肉桂 淮山

附子 姜棗 水煎服

急驚

嬰全善云驚搐一也而有晨夕之分表裏之異身熱力大為

急驚身冷力小為慢驚仆地作聲醒時吐沫者為癇頭目

急驚

昏上之止

症

幼科

元註
仰視者為天吊角弓反張者為瘕而治各有不同也

錢仲陽云潮熱發搐在寅卯長時者此肝旺用事之時也身體壯熱目上視手足動搖口内生熱涎頸項強急此肝旺也當補腎治肝補腎地黃丸治肝瀉青丸 潮熱發搐在巳午未時者此心用事之時也心惕目上視白睛赤色牙關緊急口内生涎手足動搖此心旺也當補肝治心治心導赤散涼驚丸補肝地黃丸 潮熱發搐在申酉戌時者此肺用事之時也不甚搐而喘目微斜視身熱如火睡露睛手足冷大便淡黃水是肝旺當補脾益黃散治肝瀉青丸治心導赤散 潮熱發搐在亥子丑時者此腎用事之時也不甚搐臥不穩身體溫壯目睛斜視喉中有痰大便艱澀色白食不消多睡不省當補脾治心補脾益黃散治心導赤散涼驚丸大便不實搐緩宜補脾

傷風發搐因傷風後得之口中氣出而呵欠頓足手足動搖

當發散大青膏主之

傷食發搐因傷食後得之身體溫多睡或吐不思乳食而發
搐當先定搐搐退後白餅子下之後服安神丸

急驚因聞大聲或大驚而後發搐發過如故此亡陰也當下

宜利驚丸主之

驚則氣血相亂陰離乎陽無吐瀉身冷

廣親宅七太尉方七歲潮熱數日欲愈錢謂父二大王曰七

使潮熱將安八使欲防驚搐王怒曰但使七使愈勿言八

使病幾曰八使過來日午間即無苦也次日午前果作搐

急召錢治三日愈蓋預見其目視直而腮赤必心肝俱熱

更坐石坑子乃欲就冷此熱甚也又肌膚素肥盛而本實

其脈急促故發搐尅言午時者自寅至午皆心肝用事之

時也治之乃瀉心肝補腎自安矣

徐氏子三歲病潮熱每日西則發搐而目微斜露睛四肢冷而喘大微黃請錢與李同治錢問李曰病何搐李曰有風何身熱微温曰四肢所作何目斜睛露曰搐則目斜何肢冷曰四肢冷厥心內熱何喘曰搐之甚也何以治之曰涼驚丸鼻中灌之必搐止錢又問曰既謂風病温壯搐引目斜睛露內熱肢冷及搐甚而喘并以何藥治之李曰皆此藥也錢曰不然搐者心肝實也身微熱者日西肺用事之時也肺主身温今且熱者肺虛也目微斜露睛者肝肺相乘勝也四肢冷者脾虛也肺若虛甚則脾母亦弱不氣乘脾四肢即冷治之當先補脾肺用益黃散阿膠散得脾虛症退然後治其心肝用瀉青丸導赤散涼驚丸治之九日愈

錢李皆名醫

準繩云風生於肝痰生於脾驚出於心風則身熱熱主於心

以驚風痰熱合為四症搐搦掣顛反引竄視為八候凡眩
眼搖頭張口出舌面唇紅赤或面青瀉青額上青筋指紋
紅紫或紋青脈浮洪數皆驚風之候也由肝風心火交爭
而夾心熱痰逆氣閉壅塞胸中所致也

夏為疇曰一驚即死熱甚搐輕為痰盛驚死易甦抽搐日夜
數十發為風盛豁痰以療驚去風以止搐豁痰去風必先
退熱退熱當解散肌表

搐謂肘臂伸縮搦謂十指開合掣謂肩頭相撲顛謂手足動
搖反謂身仰向後引謂手若開弓竄謂目直如怒視則睛
露不活

男搐左視左女搐右視右男眼上竄女眼下竄男握大指出
外女握大指在內此順搐易治反此為逆難調搐順則無
聲搐逆則有聲

鈴方治法大要用藥有次序有輕重通關以後且與截風定
搐風搐既定卻下痰熱理為至當凡病在身熱不可妄治
痰只嘗解表病在驚不可妄治風蓋驚由痰熱得只可退
熱化痰而驚自止病在痰不可便治驚急須退熱化痰病
在風不可便治搐蓋風由驚作只可利驚化痰其風自散
若亦有搐須用截風散驚至妙之道若治驚而痰不化熱
亦不退驚安得自止化痰其痰熱若不退風亦不散痰安得
去是知不治之治所以治之之謂歟急驚初傳風搐得定
而痰熱一泄又須急與和胃定心之劑若搐定痰熱無多
則但用輕藥消痰除熱可也然急驚雖當下切不可過用
寒涼及水銀輕粉巴豆朴消等蕩滌太驟恐轉成慢驚也
如下痰熱用大黃一味足矣是急驚症原在風降心
火幼幼書以為至當也

急驚搐搦不可把握但扶持之否則風痰逆入經絡遂成手足拘攣為終身痼疾

治法有初傳已傳末傳初傳開關通竅截風定搐已傳退熱下痰勿使其再發末傳調和正氣以復元神

初有痰熱未有驚風先宜解表去肝風降心火小兒但有潮熱二腮赤目上視者必作驚風也當先導赤散送下涼驚丸以去心熱次以抱龍丸以去風痰則不作驚或小兒時時驚跳者必作驚風也宜清解散散風降心火則驚自止急驚初傳且可通關定驚搐搦身大熱暴發神識昏憤不省牙關緊氣逆痰壅搐搦反引口眼喎斜手足件動口吐涎沫發過略醒潮熱不迅須臾復發是也神識不省者通關散以開其關竅口噤不開者閃噤散及吹藥湯從鼻入喉以開其噤喉中痰響上壅者控涎散以吐其痰搐搦抽掣

者急風丹以截風至寶丹以散鬱其或神識不省搐搦不止宜導赤散送下小牛黃丸或解毒丸以下其痰次以導赤散送下涼驚丸以瀉心導赤散送下瀉青丸以瀉肝更或艾灸印堂一壯肺俞各三壯腕骨各三壯崑崙各三壯灸法止此

萬氏云因於傷風者搐搦斜視身熱口中氣熱大便通小便白則不可下也宜大青丸發散清解散以止其驚凡麻痘溫瘧發熱之始每多驚搐抽搦并用清解散最驗

因於傷食者搐搦咽斜身體溫多唾或吐不思食宜溫白丸下之次服神砂五苓散

因於觸異大驚者發過神醒即如平人或日一發或日三五發或一年一發失治變成癩症為終身之癩大宜先去痰小牛黃丸下之次服鎮驚丸安神丸

意為已得或氣定搐次第大便未下者即宜下之痰熱得下
驚搐自止并不復發宜小牛黃丸實者解毒丸得泄即止
設或已下後及吐瀉後大便不實者不可再下但用驅風
化痰退熱為主涼驚丸抱龍丸合服防其再發或用柴葛
湯加半夏三錢亦效

急驚末傳利驚後則當調胃助氣定志甯神防作慢驚也宜
滌痰散安神丸主之病退後潮熱不退者脾虛身熱也四
君子加炒乾姜或六神湯若小便赤脛脣紅足脛熱者仍
是餘邪發熱宜涼驚丸抱龍丸病退後不言語者痰涎留
閉心包絡也宜滌痰散

夏禹鑄云有驚死一二日或死六七日不醒或醒亦不識人
事或抽掣或不抽掣或昏憤不省亦能翻身手足能動上
至十餘日急灸肺俞穴各三壯柴葛湯倍加半夏四五錢

連服三四劑無不活者

著效小兒驚搐多是熱症若先用驚風藥白附天麻川烏姜

虫之類便是壞症只用導赤散加防風進三服導去心熱

其搐便止常以救人無不效者次服甯神膏今用木通氣味與茶草不同不可誤用

間氏云急驚風候其驚勢已定須臾以藥下其痰熱如牛黃

丸解毒丸之類利下痰熱心神安甯即愈

凡驚搐手撒目閉口張遺屎尿面赤如珠汗出髮直不語不

啼皆不能活

祖法急驚風用茯苓導赤散送下涼驚丸三黃丸有痰佐以

抱龍丸

方書小兒常作驚悸宜於申時進六味地黃丸以補腎則愈

茯苓導赤散 與古方導赤散治同

茯苓 甘草 枳殼 枳椇 藤 不 退 竹葉 燈心 寸

通關散 用竹管吹入鼻孔內立醒

男先吹左次右女先吹右次左

生半夏不

牙皂不

為細末每用一豆許吹鼻孔內得

嚏即活

祖方涼驚退潮丸與古涼驚丸治同抱龍丸與古方治同神

效

白餅子與雄黃解毒丸治同

開噤散 小兒驚風搐搦

製商星不姜虫不牙皂炒焦蜈蚣虫系射香一字

為末生姜汁醮藥少許擦牙根 開噤法用姜湯調少許

以竹管吹入鼻孔內下喉二三點許則涎自出口自開

驅風至寶丹 急驚搐搦抽掣

防風 荆芥 麻黃 薄荷 川芎 連翹 桔梗

黃芩 梔子 大黃 朴消 石膏 滑石 甘草

羌活 虫退 全蝎 南星 黃連 黃柏 前胡

枳殼 姜虫 赤芍 等分

為細末米糊丸朱砂為衣燈心湯磨服

小牛黃丸 急驚搐搦痰涎上壅

丑牛頭末 兩胆星 枳殼 半夏 牙皂 炒黃 大黃 兩

用枣肉為丸姜湯下五分兒大加用

解毒丸 下痰去積打虫通閉

雄黃 牙 鬱金 巴豆仁霜 為末糊丸小米大每服三

四丸

控涎散 風痰上壅昏憤不識人驚風臍風喉痺宜此吐痰

銅青 硃砂 輕粉 麝 全虫尾 射香 少許

為末每服五分薄荷陳茶俱可調下

清解散 小兒搐搦驚悸神昏痰潮身熱凡麻痘熱瘡始發

身熱每多驚搐宜此神效

防風 荆芥 乾葛 升麻 前胡 黃芩 黃連

川芎 桔梗 枳殼 牛子 連翹 木通 山查

虫退 紫草茸 十六味加燈心煎服

大青丸 發散去風寒

羌活三分 麻黃三分 虫退三分 姜虫半 青代半 防風三分 全蝎一分

竺黃一分 薄荷一分 為末棗肉丸蒸服

滌痰散 痰迷心竅不語去痰甯心神

半夏三分 南星三分 菖蒲三分 陳皮三分 竹茹三分 枳實三分 黃連三分

甘草半 石菖蒲三分 為末姜湯調服

錢氏瀉青丸

當歸 川芎 胆草 梔子 羌活 防風 大黃

等分為末蜜丸芡實大每服半九至一丸竹葉灯心湯下

錢氏涼驚丸

胆草 防風 青代各三 鈎藤各二 黃連各一 牛黃 射香

冰片各字為末米糊丸芡實大每服半丸至一九金銀湯

送下

錢氏導赤散 宜茯苓導赤散代用

生乾地黄 木通 甘草 竹葉 為末每服三錢水煎

服 按此木通與今所用不同不可用

安神鎮驚丸

竺黃 茯神各五 胆星三 棗仁三 遠志各一 黃連三 龍骨三

朱砂三 當歸三 麥冬三 赤芍三 梔子三 青代一 薄荷不

牛黃不 為末蜜丸金箔衣

錢氏利驚丸 急驚痰熱潮搐

輕粉不 青代不 丑牛各一 竺黃不 為末米糊丸小豆大薄荷

湯下

印堂 在眉心當中督脉所行灸一壯王龍歌主治小兒急

慢驚風

肺俞 在第三椎下二傍相去脊各一寸半并脊各開二寸十金對乳

引繩度之又以搭手左取左右取右當中指末是穴正坐

取足太陽脉所行灸三壯內經主治肺病夏氏主治急

驚不語引通太陽散肺痰

腕骨 在手外側腕前起骨下陷中手太陽少陽脉所過灸

三壯內經主治驚風痰癎 陽谷在手外側腕中錢骨下

陷中亦治小兒癎癎此二穴一前一後

崑崙 在足外踝後五分跟骨上陷中足太陽脉所行灸

壯內經主治發癎癎癎

按厥陰太過大風飛揚天地昏暗此即驚風之候也太陽轉

運天地精明驚癇痰瘕自止厥陰轉太陽則病愈

慢驚

錢仲陽云慢驚因大病後或吐瀉或只吐不瀉變成脾胃虛損通身冷口鼻氣出亦冷手足時瘳瘳昏睡露睛此無陽也宜瓜婁湯主之

虛則陰陽偏枯陽不能行陰氣弱聚故瘳從陰結無身熱而赤

東都王氏子吐瀉諸醫用藥下之至虛變慢驚其候昏睡露睛手足瘳瘳而身冷此慢驚也與瓜婁湯其子胃氣實即開日而身溫王疑其子不大小便令諸醫以藥利之醫留八正散數服不利而身復冷令錢氏利小便錢曰不當利小便利之必身冷一三日果身冷矣因抱出錢曰不能食而胃中虛若利大小便則脾胃俱虛當身冷而閉目即死今幸胎氣實而難衰也錢氏用益黃散史君子丸四服令微能飲食至日午果能飲食所以然者謂利大小便脾胃

虛寒當補脾不可別攻也後又不語諸醫作失音台錢曰
既失音何開目而能飲食又牙不緊口不禁也諸醫不能
曉以地黄補腎錢曰此因用涼藥利小便致脾胃俱虛今
脾已實腎尚虛故補腎必安治之半月而能言一月而痊
準繩云慢驚之候或吐或瀉痰鳴微喘眼開神昏睡則露睛
驚跳搐搦乍發乍靜或身熱或身冷或口鼻氣冷面色淡
白淡青其脉沈而遲緩是也皆由悞治脾胃虛弱或急驚
轉成慢驚其脉有力者宜瓜婁湯蓋溼痰結聚膈間風火
不得開發而身冷宜此却去結痰風火得伸而身溫搐止
神甦若脉無力者宜異功散補脾星附溫白丸去痰鉤藤
飲羌活膏以去風準繩云慢驚用水婁湯異功散星附溫
白丸羌活膏鉤藤飲往往死中得生凡小兒既經吐瀉便
是慢驚或搐來緊急乃慢驚初傳不可悞作急驚用藥古

云病家怕驚不怕瀉醫家怕瀉不怕驚如因泄瀉不止用益黃散理中湯主之或足冷或手足俱冷則為慢脾風症宜附子理中湯主之

錢氏水婁湯

水婁仁云白甘遂云為末同於慢火上炒焦黃色研細每服一字薄荷湯調服

異功散 補脾

人參 白朮 茯苓 炙甘 陳皮

星附溫白朮 脾氣虛困泄瀉瘦弱冷疴洞利及因吐瀉或

久病成慢驚痰症 祖方八寶驚風丸治同

天麻 桑姜云白附云南星云全蝎云

為末米糊丸菜豆大每服五七丸至二三十丸

鉤藤飲 吐利脾胃氣虛風慢驚

人參各麻黃各姜虫各天麻各全蝎各鈎藤各羌活各防風各川芎各炙甘各為末每服二錢水煎服寒多
如附子

羌活膏 脾胃虛或吐瀉後為慢驚者亦治傷寒無不效

防風 川芎 人參 白附 茯苓各天麻 薑虫

全蝎 白花蛇 川附子 麻黃各肉蔻 沈香 丁香

藿香 木香各輕粉 眞珠 牛黃各五分 冰片半字

射香 雄黃 硃砂各一不羌活各

為末蜜丸如豆大每服一二丸薄荷湯下

癩症

千金云小兒之癩有三風癩驚癩食癩也風癩由衣厚汗出

風因入也初時先屈指如數物乃作驚癩起於驚怖大啼

乃作食癩其先不能食而吐先發寒熱而後作此三癩有

癩症 留上之上 存 功料

三因之分風癇外因驚癇內因食癇木內外因

癇症卒然神氣昏愒瞪目直視面目件引口禁流涎手足抽掣搐搦反張或聲或啞但四肢柔軟發而時醒者為癇若一身強硬終日不醒者為瘧治法各異

身熱脉浮為陽癇即急驚也身冷脉沈為陰癇即慢驚也

古有五癇應乎五臟發則昏倒仆地口眼喎斜目直搐搦反張食頃乃醒通用五癇丸主之以上諸癇總由痰厥氣逆涎沫上聚心膈之間一時閉塞故也陰癇者發時手足厥冷面色青白口吐涎沫脉來沈細宜先以真武湯星附温白丸主之陽癇者發時身熱自汗啼叫口禁脉來洪數先以小牛黃丸涼驚丸主之驚癇者發時急叫驚跳痰壅先以小牛黃丸鎮驚丸主之食癇者其初面黃吐利酸臭發時先寒後熱而搐先以温白丸下之風癇者發時手如數

物日三五發元以大青膏風引湯主之以上諸癩並以五
癩丸丹礬丸主之借其重墜鎮逆降痰統治諸癩癩發當
灸百會一壯肺俞穴三壯

假如小兒有熱有痰不欲乳哺昏睡不安常常驚悸此皆發
癩之漸即以紫霜丸導赤散減其盛氣則無驚癩之患矣
錢氏五癩丸 通治五癩

硃砂 系 水銀 兩 雄黃 兩 鉛 三兩 同水銀化 真珠 兩

為末糊丸菘豆大每服三四丸金銀湯下 無真珠用石決明

真武湯

白朮 芍 茯苓 系 炒 芎 系 生 姜 系 附 子 系 每 服 二 錢 許 煎 服

丹礬丸 治五癩

黃丹 兩 白礬 三兩 二味入銀罐中煨通紅為末入細茶一

兩猪心血為丸硃砂為衣麻子大每服二三十丸茶下久

服其涎自便出半月後更服安神藥 血不粘加蜜丸

風引湯 治大人風引癱瘓小兒驚癇痰癱日數十發

大黃 四兩 乾姜 二兩 煨龍骨 四兩 桂枝 四兩 甘草 二兩 牡蠣 四兩

滑石 石膏 寒水石 赤石脂 白石脂 紫石英 各高

右十二味研末篩取三指撮煮三沸溫服 無真寒水石用石膏六兩為極末

巢氏治腳氣按此云驚癇痰癱并治急驚治風癇已經愈

瘧病瘧癩

瘧即筋病凡病有抽筋疼痛者照瘧病調治自愈

金匱法發熱面赤目脉赤搖頭卒口禁背反張者為瘧病甚

則臥不着席脚攣急口禁齧齒胸滿瘧脉按之緊弦直上

下行若身熱無汗惡寒為剛瘧身熱有汗惡風為柔瘧瘧

病神識如常若瘧夾痰則神識不省名瘧癩如癩相似而

強直不醒也

身熱無汗出只葛根湯主之身熱有汗出宜桂枝加葛根湯
主之身熱脉當浮今反沈遲沈細者宜桂枝加瓜蒌湯主
之大便閉小便赤煩渴有胃實症宜三一承氣湯輕下之
瘧病若有熱症煩渴小便赤昏爪紅赤者麻桂葛根可佐
以小柴胡湯主之若神識昏迷反張口禁終日不醒者瘧
癩也宜柴胡桂枝葛根湯主之便閉舌胎黃小便赤者涼
膈散合滌痰散湯微下之

湯氏云身軟時醒為癩身強直反張如弓不時醒者為瘧癩
也瘧癩為危候宜柴胡桂枝葛根湯主之

柴胡桂枝葛根湯 治驚癩終日不醒

柴胡各半 黃芩各半 桂枝各半 白芍各半 乾葛二升 花粉各半 甘草各半

南星各半 朴消各半 無汗加麻黃錢半有下症涼膈散合滌痰

湯微下之

天鈞

天鈞亦驚風之症但天鈞發時頭目仰視驚風則無也

湯氏云小兒疾癡不定翻眼擡睛狀若神崇頭目仰視甚者

爪甲皆青名為天鈞宜服蘇合香丸灸鬼哭鬼眼更服九

龍控涎丹主之

驚癩發搐

錢仲陽云咬牙甚者發搐目直面青身反折者生驚呵欠面

青者驚風呵欠面黃者脾虛驚目赤面青者發搐

錢仲陽云驚癩發搐男發搐目左視無聲右視有聲女發搐

目右視無聲左視有聲相勝故也 左木右金男左木右金

李壽孫子三歲發搐自卯至巳目右視大叫哭錢見曰此逆

也男為陽木發左視無聲則順右視有聲則逆所以然者

左肝木也右肺金也逆則二臟相戰金木相擊而有聲也